

'S RAETS

**MERKWAERDIGHE SLITINGHEN**

1457—1462.

(Vervolg van bladz. 249).

1457. **W**ant Wouter Petersz *onabeliken op onsen Heere den Domproest ghesproken heeft*, soe heeft hi *een nacht opt vleyshuys gheleghen ende is ghecomen in hemde ende in broeke ter clocke ende sel onsen rade verghiffenisse bidden ende terstont medegaen voir onsen Heer Domproest ende bidden dien oeck verghiffenisse ende gheven der stat te beteringhe v<sup>m</sup> steens (159).*
- Want Jan Gherytsz *enen tyt verleden twe moerden heeft helpen doen inden lande van Brabant*, soe sel men dat *rechten mettet rat aen syn lyf, als een moerdnaer (160).*
- Want Rutger, die *pynre, een wyltyts leden binnen onser stat doet ghesteken heeft*, Jan, den weert *indie Lely opt Sant*, ende dieselve Rutger begrepen wart, soe sel men dat *rechten als 't behoert, na onser stat rechten, metten sweerde aen sinen live (161).*
1458. Want *veel glasen binnen onser stat ontwe ghe-  
worpen worden*, ende men niet en weet, wie dat doet, soe is nu bevonden, dat Ja. Wemmersz, die *mesmaker, glase in die Sadelstraet*

*ontwe gheworpen heeft, ende daerom sel hi wter stat wesen ende een mile van der stat ter tyt toe hi een beevaert te Sint Jacob ghedaen sel hebben, ende nochtans niet weder incomen, dan bi consente ons raets (162).*

1458. *Want meyster Aernt Jansz, scherprechter, enen onsen borgher, daer hi niet op te segghen en hadde, ondadelijke ghesteken heeft, soe sel men dat rechten metten sweerde aen sinen live (163).*

1459. *Want Wouter Andriesz een meechdekyn, den heydenen toebehoerende, buten onser stat boven gheleide ondadeliken doetgescoten heeft, soe verbiet hem die raet onse stat ende een mile van der stat te wesen, ewelic op syn lyf (164).*

— *Want Melis, Jan Franken soen, enen priester gequest heeft, daer noch gheen beteringhe van gesciet en is, soe verbiet hem de raet onse stat ende een mile vander stat te wesen op syn lyf ter tyt toe hi beteringhe gedaen sel hebben der ecclesie ende den ghenen, die hi gequest heeft, ende oec den rade beteringhe ghedaen sel hebben, want hi boven verbot ons raets in onser stat vriheden ghecomen is (165).*

— *Want Grietke Vossen tot veel steden ende tiden die luden dat hoer ghestolen heeft, soe si hoer selven dat beliet heeft, soe sel si opte kaec staen ende men sel hoer een oer ofsniden ende enen slotel in de wanghe drucken, ende daer toe sel si den steen draghen, ende wter stat wesen ende een mile vander stat ewelic op haer lyf (166).*

1459. Want Meyster Bertout, M<sup>r</sup>. Bertouts sone van Huechem, die scermer, *ghevrees*, *ghejaecht ende aenghevaert heeft* Ghysbert die Boell ende syn dochter, daer si bi avont te samen ghinghen op Sint Janskerchoff, soe verbiet hem die raet onse stat ende een mile van der stat te wesen c. jaer op hoer lyf (167).

— Want Meerten Willamsz, Dirken syn suster ende Jan Jansz, der voorsz. Dirken sone, *gheweest syn in Joncfrouw* Beatrix ende haer moeder huysende ende hebben daer misselic ghebeerde van slaen ende gherufte ghehad, teghen verbot sraets, soe sel Meerten onser stat te betteringhe gheven, behalven syn koeren, v<sup>m</sup> steens, Dirken sel verghiffenisse bidden, ende Jan sel v. jaer wter stat wesen ende een mile vander stat op syn lyf (168).

— Want Jan van Amsterdam, Claes die Vriese ende Zwarte Jan hem beholpen hebben met menigherhande boeverien, spuelen, alsoe quaerten, dobbelen ende ryemken te steken, soe sellen si morghe te voormiddage opter kaec staen ende dan terstont wter stat gaen, ende de raet verbiet hem die stat ende een mile van der stat te wesen twee jare lanc op hoer lyf (169).

1460. Want Meester Ja. Tayaert een lichte Deerne ghebesicht heeft, ende haer hare loen ofghedronghen heeft metten messe, soe sel hi opte kaec staen, ende men sellen gheselen, ende men verbiet hem die stat ende een mile vander stat te wesen tien jaer op syn lyf (170).

— Want Jan Strwe ende Cornelis Stevensz

inden Tollensteghe, enen man van buten in kakerellinghe, boven gheleide, ghestoten ende tsyne of hebben willen drucken, mit machte teghen synen danck, soe sellen si voer onser clocken komen in hemde ende in broec mit enen blanken sweerde ende bekennen hoer lyf verboert te hebben ende wilcoeren op hoer lyf, gheen onstantaftighe saken meer te doen ende onse stat te beteringhe geven elcx x<sup>m</sup> steens. Den wilcoere deden si terstont voor der clocken (171).

1460. Oec verbiet die raet *scheel* Faes ende Heyn die Groot onse stat ende een mile vander stat te wesen drie jaren lanc op hoer lyf om hoer boeveriger spuele wil (172).

1461. Want Arent Willamsz hem met transinieringen beholpen ende ghehanteert heeft, soe hi hemselven dat beliet heeft, daerom sel men dat rechten metten sweerde aen sinen live (173).

— Want Jan Jansz onnatuerliken mit beesten gedaen heeft, soe hi dat selve beliet heeft, daerom sel men dat rechten mitten brande aen sinen live (174).

— Want Bely Henricx dochter hoer selfs kynt op eene ontamelyke stede, om dat van den live ter doet te brenghen, gebracht heeft, daerom verbiet men haer onse stat ende een mile vander stat te bliven ewelic op haer lyf (175).

— Want Coman Heyn met valsche teerninghen ghespuelt heeft ende andere boeverighe spuelen ommegeghehaen, alse dat ryemken ghesteken, soe verbiet men hem onse stat ende een mile vander stat te wesen ewelic op syn lyf (176).

— Want Jan van Leyen, als een priester ghe-

- beden heeft, ende nochtans een weerlic man is, soe verbiet men hem onse stat, ende een mile vander stat te wesen vyf jaer lanc op syn lyf (177).*
1461. *Want Jan Pyp hellinc van Peer, in den dorpe tot Peer enen gheheten Aart Styfs dat syne gheweldeliken ghenomen ende ghetransiniert heeft, soe hi hem dat selve beliet heeft, daerom sel men dat rechten metten sweerde aen sinen live (178).*
1462. *Want Zwane, Jans wyf van Herwerden, haer met onbehoerlyke dinghen beholpen heeft, daermede sy goede mannen beruft ende befaemt heeft, daerom verbiet men haer onse stat twe jaer lanc naestcomende ende een mile vander stat te bliven op haer lyf (179).*

*(Het vervolg hierna).*

J. J. DODT v. FL.

PAARDENMARKTEN.

Gemarkt op den 8 Augustus 1843.

|                                    |           |
|------------------------------------|-----------|
| Kantoor Wittevroutenpoort. . . . . | 47 Stuks. |
| » Catharijnepoort. . . . .         | 149 »     |
| » Ridderschapsvaart. . . . .       | 71 »      |
| » Vaartschen Rijn. . . . .         | 55 »      |
| » Roodebrug. . . . .               | 28 »      |
| » Weerd Barrière. . . . .          | 6 »       |
| » Tolstecgpoort. . . . .           | 31 »      |

te zamen 388 Stuks.